

ղիս, 'ի Յորդանան, 'ի Նազարէթ և յայլ ուրեք, և սարկաւազն գրեաց զՍ․ Տեղիս և զվանօրայս Երուսաղէմի, որպէս յառաջ բերեն Յոյն Արարացիք :

Իսկ Սալահատտին մինչդեռ դեռերէր 'ի կողմանս Քերեքայ հակառակիլ Լատինաց, հայր նորա էյուպ անկեալ 'ի ձիոյն մեռաւ : Բարձաւ 'ի կենաց նաեւ Նուրէտտին Սուլթանն Դամասկոսի օրդ . (1173) և թագաւորեաց որդի նորա Սալէհ Իսմայիլ : Եւ թագաւորն Երուսաղէմի Ամաւրի դիմեաց 'ի վերայ Դամասկոսի և աստատակեալ գերեաց զաշխարհն . բնակիչք քաղաքին նեղեալ 'ի բըւնութենէ՛ խոստացան տալ նմա հարկս իբրեւ զառաջինն, բայց նա ոչ առ յանձն . զի եղեալ էր 'ի մտի տիրել քաղաքին . սակայն կալաւ զնա անդ ցառ ինչ մահարեր, և աստիպեալ 'ի խօթութենէ՛ անտի՛ էառ հարկս և դարձաւ 'ի Պաղոմայիս, որ այժմ կոչի Աքքէ, և մեռաւ անդ թագաւորեալ ամս 11, և և յաջորդեաց յաթոռ թագաւորութեանն որդի նորին Բալտովին Դ :

Իբրև լուաւ Սալահատտին զմահ Նուրէտտինայ, և զթագաւորելն որդւոյ նորին, և զարչաւանս Լատինաց, չու արար յեգիպտոսէ և դէմ եղեալ զնաց 'ի Դամասկոս, և խաղաղութեամբ մտեալ 'ի քաղաքն տիրեաց նմա . էառ և զնմէս, և անտի յարուցեալ պաշարեաց զԲերիա քաղաք, ուր փախուցեալ էր նոր Սուլթանն Սալէհ : Ապա միջնորդութեամբ երեւելեաց քաղաքին հաշտութիւն արարեալ՝ ընկալան զնա 'ի ներքս, և բաժանեցին զթագաւորութիւնն 'ի միջի իւրեանց . տիրել Սալահատտինայ կողմանց Եգիպտոսի, և Սալէհի՛ Դամասկոսի : Յետ հաստատելոյ զգաշինս՝ դարձ արար Սալահատտին յաշխարհն իւր յեգիպտոս :

